

ՍՈՒՐԵՆ ԵՐԵՄՅԱՆ

Գիտնականի հասակը որոշում են ոչ այնքան տարիները, որքան նրա գործերը: Այս իմաստով ՀՍՍՀ ԳԱ ակադեմիկոս Սուրեն Երեմյանի 70 տարին իսկական ծաղկման հասակ է: Ի հիմնավորումն այս մտքի բավական է նշել, որ նրա 50-ամյա գործունեության արգասիք հանդիսացող շուրջ 100 աշխատությունների մեկ երրորդ մասը վերջին տասնամյակի ծնունդ է, ըստ որում այս գործերում արժարժված են նաև միանգամայն նոր, նախորդ շրջանում պատմաբանի կողմից չընդափված խնդիրներ:

Սուրեն Տիգրանի Երեմյանը ծնվել է 1908 թ. մայիսի 10-ին Թբիլիսիում, բանվորի ընտանիքում: Այստեղ էլ ստացել է միջնակարգ կրթությունը: Բարձրագույնը ստացել է Երևանի համալսարանում, 1928—1931 թթ., աշակերտելով ժամանակի հայագետների փայլուն համաստեղության ներկայացուցիչներին: Այնուհետև ասպիրանտուրա է անցել դարձյալ Թբիլիսիում, իսկ 1935—1941 թթ.՝ աշխատել Լենինգրադում, ՍՍՀՄ ԳԱ արևելագիտության ինստիտուտում: 1941 թ. մարտից սկսվում է Ս. Տ. Երեմյանի կյանքի ու գոյությունից երևանյան շրջանը, որը շարունակվում է մինչև օրս և անփակտելիորեն կապված է ՀՍՍՀ ԳԱ պատմության ինստիտուտի հետ:

Պատմաբանին վիճակվել է ունենալ այնպիսի անվանի ուսուցիչներ և խորհրդատուներ, ինչպիսիք էին Հ. Հ. Մանանդյանը, Ն. Յա. Մառը, Վ. Վ. Ստրովեն, Հ. Ա. Օրբելին, Ի. Ա. Ջավախիշվիլին և ուրիշները, որոնք ներառվել են նրան հայրենական արևելագիտության և հայագիտության լավագույն աշակերտները: Սակայն իր գիտական գործունեության ընթացքում հետևելով այդ ավանդույթներին, Ս. Տ. Երեմյանը փնտրել ու գտել է նաև միանգամայն այլ, չորսորված նախապահներ, որոնք կապված են հիմնականում Հայաստանի և Կովկասի պատմական աշխարհագրության և փառաբանության հետ և կազմում են նրա գործունեության բերևա ամենաբնորոշ և գուճեղ մասը:

Գեոևս 1930-ական թթ. վերջերից Ս. Տ. Երեմյանը ձեռնամուխ է եղել հին Հայաստանի հասարակարգի պրոբլեմի լուծման գործին: Հենվելով սովետական պատմագիտության մեջ 1930-ական թթ. հաղթանակած՝ հինարևելյան հասարակությունների ստրկատիրական կարգի մասին տեսության վրա, անվանի գիտնականը կարողացավ գտնել այնպիսի փաստարկներ, որոնք հնարավորություն տվեցին առաջին անգամ շեշտակիորեն տարբերակել հին և միջնադարյան Հայաստանի հասարակարգերը, որակելով դրանցից առաջինը որպես ստրկատիրական: Այս նոր տեսակետը տասնամյակների ընթացքում որոշակի զարգացում է ապրել, հետզհետե բեռնաթափվելով նախնական սխեմատիզմից, միս ու արյուն առնելով նորանոր հայկական նյութերից, ինչպես և Հայաստանի հարևան ու բախտակից հելլենիստական երկրների հետ օրինաչափ համադրումներից:

Ս. Տ. Երեմյանի այս հետազոտությունների բնական ծնունդն ու շարունակությունն են կազմում նրա այն աշխատությունները, որոնք նվիրված են հայ ժողովրդի պատմության գիտական պարբերացմանը և, հատկապես ու մասնավորապես, Հայաստանում ֆեոդալական հասարակության գեներալի խնդրին: Այս վերջինը հատուկ եռանդով մշակվում է գիտնականի կողմից այժմ, և նրա պրպտումների արդյունքները շուտով լույս կտեսնեն ՀՍՍՀ ԳԱ

պատմության ինստիտուտի կողմից հրատարակվող՝ «Հայ ժողովրդի պատմության» ութհատորյակի 2-րդ հատորում:



Ս. Տ. Երեմյանին որպես հետազոտողի բնութագրում է նրա ձգտումը դեպի առավել խորին ու դժվարամատույց պրոբլեմներ: Դրանց թվին է պատկանում հայ ժողովրդի ծագման ու կազմավորման խնդիրը, որը նրա ուշադրության կենտրոնում է սկսած դեռևս 1950-ական թթ.: Ժամանակի ընթացքում պատմաբանի կոնցեպցիան բնականոն զարգացում և փոփոխություններ է ապրել: Եթե սկզբում էքնոգենեզը նրա աչքում, անշուշտ Նիկողայոս Մառի տեսության ազդեցության տակ, գծագրվում էր որ-

պես զուտ Հայկական լեռնաշխարհում տեղի ունեցած էքնալեզվական ձևափոխությունների ներփակ պրոցես, ապա հետագայում, պահպանելով հանդերձ խոր հետաքրքրություն լեռնաշխարհի ցեղերի նկատմամբ, հեղինակը սկսեց իր հայացքը նաև նախորդ փուլում մեր պատմագրության մեջ գրեթե մերժված հնդեվրոպական եկվոր տարրի վրա: Այլ գիտնականների՝ այս տարրին լեզվական առումով տրված գնահատականին Ս. Տ. Երեմյանը ավելացրեց տեղանվանական այն առնչությունները, որոնք նա հայտնաբերեց Հայկական լեռնաշխարհ—Փոքր Ասիա—Բալկաններ երկրամասերի միջև, որպիսի առնչությունները հաստատում էին հայ ժողովրդի հնդեվրոպական բաղադրատարրի ուղին արևմուտքից արևելք, դեպի ժողովրդի կազմավորման օրրանը: Այսօր էլ պատմաբանը շարունակում է կատարելագործել իր տեսությունը և հարստացրել է այն Հայկական լեռնաշխարհում ժողովրդակազմավորման կոնկրետ ընթացքի շուրջ հաշորդական փուլերի բացահայտմամբ, փուլեր, որոնք կապվում են շուրջ աշխարհագրական կենտրոնների հետ: Դրանցից առաջինը Հայաստ—Ազիոն է (հետագայի Փոքր Հայքի սահմաններում), ուր տեղի է ունեցել ամենահախնական խմորումը, որի մեջ ներգրավվել են մերձակա խեթական աշխարհի տարրերը և գոյացել է մեր ժողովրդի «հայ» ինֆանավումը: Երկրորդը՝ Արմե—Շուպրիա երկիրն է, ուր հնդեվրոպական շիրք սերտ համագործակցության մեջ է մտել խուրրիական տարրի հետ և ծագել է ժողովրդի «արմեն» անվանումը: Երրորդը՝ Վանա լճի ավազանն է, նրա արևելյան շրջանը, որտեղ կլանվել է կարևորագույն՝ ուրարտական բաղադրատարրը: Չորրորդը և եզրափակիչը՝ Արարատյան դաշտն է, որի ներգրավմամբ ժողո-

վրդակազմավորման ընթացքը հիմնականում ավարտվել է և որը դարձել է վաղ հայկական պետական կազմավորումների սիրտը: Ս. Տ. Երեմյանի հետազոտությունները այս բնագավառում տանում են դեպի այն լեզվալեզնիկական այլազան տարրերի գնահատման ճշգրտումը, որոնց համագործակցությամբ և ինտեգրացումը հանգեցրել են Հայկական լեռնաշխարհում հայ ժողովրդի՝ այդ երկրամասում պատմականորեն առաջին ժողովրդի կազմավորմանը:

Ինչպես նշվեց, Ս. Երեմյանի գիտական շահագրգռությունների շարքում առանձնահատուկ տեղ է զբաղում պատմական աշխարհագրությունն ու փարտեզագրությունը: Նրա կազմած հարյուրավոր փարտեզները դրսևորում են հայ ժողովրդի պատմաաշխարհագրական զարգացման յուրահանձնուր ֆայլը և փուլը՝ սկսած հնագույն ժամանակներից: Հեղինակի նպատակն է ամփոփել այդ ամբողջը մոնումենտալ «Հայաստանի պատմական ատլասի» մեջ, աշխատություն, որը իսկական շրջադարձ առաջ կբերի գիտության համապատասխան բնագավառում: Այսօր էլ Ս. Երեմյանի հեղինակած տասնյակ փարտեզներ, հրապարակվելով հանրապետական, միութենական և արտասահմանյան շատ հրատարակություններում, լայն հանաչում են գտել և հայ պատմաաշխարհագրությունն ու փարտեզագրությունը հասցրել համաշխարհային առաջավոր գիտության մակարդակին:

Հատուկ պետք է անդրադառնալ ակադեմիկոս Ս. Տ. Երեմյանի «Հայաստանը ըստ «Աշխարհացոյցի» (Երևան, 1963) մենագրությանը, որի մեջ կենտրոնացել են նրա հետազոտական բոլոր կարողությունները: Այս աշխատությունը, ինչպես երևում է վերնագրից, նվիրված է հայ մատենագրության կարևորագույն կոթողներից մեկի՝ VII դարում ստեղծված «Աշխարհացոյցի» բազմակողմանի ուսումնասիրմանը: Ս. Երեմյանը, հենվելով իրեն նախորդած հետազոտողների նվաճումների վրա, դրել է ու մեծ մասամբ համոզիչ կերպով լուծել այն հիմնական խնդիրները, որոնք ծագում են այդ կոթողի կապակցությամբ: Պատմաբանի առավել կարևոր եզրահանգումը ըստ երևույթին պետք է համարել այն, որ նա հայտնաբերել է «Աշխարհացոյցի», այսպես ասած, «ժանրային» պատկանելությանը: Դա ոչ թե ինֆնամիփո տեսալ է կամ աշխարհագրական ձեռնարկ, ինչպես կարծել են նախորդ հետազոտողները, այլ բացատրագիր, ուղեցույց փարտեզի կամ, ավելի հիշտ, մի շարք փարտեզներից բաղկացած համաշխարհային ատլասի համար: Թեև իրենք փարտեզները (ատլասը) մեղ չեն հասել, սակայն հենց պահպանված կից բացատրագիրը (որը ժառանգել է ողջ ատլասին վերաբերող «Աշխարհացոյց» անվանումը) գրեթե սպառիչ պատկերացում է տալիս նրանց ֆանկության, բովանդակության և ծանրաբեռնվածության մասին: Այսպիսի մեկնաբանությունը գիտության առջև բացում է հայ փարտեզագրության պատմության մի շատ նշանակալից դրվագ:

Աշխարհացույց-ատլասը, ինչպես պարզել է Ս. Տ. Երեմյանը, բաղկացած է եղել շուրջ 15 փարտեզներից, որոնց մեջ ընդգրկվել է ժամանակի հայտնի ամբողջ աշխարհը, սկսած Եվրոպայի արևմտյան ծայրամասերից մինչև Ջի-նաստան և Հնդկաչին: Այդչափ լայն շրջանակներն անշուշտ պայմանավորված են ատլասի հեղինակի ձեռքի տակ անտիկ (հունահռոմեական) աշխարհագրության տվյալների առկայությամբ: Այսպիսով, հայ միջնադարյան

գիտական մտքի սույն կոթողը իր նշանակությամբ դուրս է գալիս հայ իրականության սահմաններից և պահպանել է, Եվրոպայում նույն այդ ժամանակաշրջանում գիտության տեղատվության ու անկման պարագաներում, անտիկ առաջավոր գիտության լավագույն ավանդույթները:

Զարգացնելով «Աշխարհացոյցի» աղբյուրների մասին իր դրույթը, Ս. Ս. Երեմյանը պարզել է նաև, որ հասկապես Մեծ Հայքի, նրան հյուսիսից հարող Վիրքի և Աղվանքի, ինչպես և մասամբ Իրանի համար միջնադարյան հայ հեղինակը (Ս. Երեմյանը համաձայն չէ երկր Անանիա Շիրակացուն վերագրող գիտնականների հետ, և համարում է այն մի փոքր ավելի վաղ շրջանի՝ VII դարի սկզբի գործ), ի լրումն անտիկ աղբյուրների, ունեցել է մի շարք ստույգ՝ պաշտոնական-վավերագրական աղբյուրներ: Դրանցից են, օրինակ, Արշակունյաց և մարզպանական շրջաններում կատարված աշխարհագրիները, մասնավորապես, IV դարի սկզբին, 439 թ. և 570 թ. կատարվածները: Մյուսնով հսկայական չափով ավելանում է «Աշխարհացոյցի» համապատասխան հատվածների հուսալիությունը որպես պատմական աղբյուրի:

Խնդրո առարկա մենագրության հետազոտական բարձրակետն է հանդիսանում Ս. Երեմյանի փորձը՝ վերակազմելու Մեծ Հայքի ֆարտեզը ըստ «Աշխարհացոյցի» տվյալների՝ ժամանակակից ֆարտեզագրական հիմքի վրա: Այսպիսի մի նորարարական գործի ձեռնարկելու համար անհրաժեշտ է, բացի գիտական խիզախությունից, նաև պատմաաշխարհագրական գիտելիքների հսկայական պաշար: Ս. Երեմյանի ունեցած պաշարը իսկապես եզակի է՝ անսպառ: Նա իր հիշողության մեջ է պահում ողջ պատմական Հայաստանի ու մերձակա երկրների տուպոնիմիկան, սկսած այն ժամանակներից, երբ դրանց մասին ստանում ենք առաջին գրավոր հաղորդումները, այսինքն՝ մ. թ. ա. III—II հազարամյակներից և վերջացած ներկա վիճակով: Տեղանունների այդ պաշարը ներառում է սեպագիր (ասսուրական, խեթական, խուրիական, ուրարտական, հին պարսկական), եբրայերեն, հունարեն, լատիներեն, հայերեն, պահլավերեն, պարսկերեն, ասորերեն, արաբերեն, քուրերեն, վրացերեն, ռուսերեն լեզուներով աղբյուրների տված տեղանունների ամբողջությունը: Եվ ահա ողջ այս ապարատը գործի է դրվում, երբ «Աշխարհացոյցի» այս կամ այն տեղանունը տեղադրվում է ֆարտեզի վրա: Այսպիսով, Ս. Երեմյանի կազմած ֆարտեզը տասնյակ տարիների ընթացքում կատարած աշխատանքի և հավաքած գիտելիքների մի կիզակետ է:

«Հայաստանը ըստ «Աշխարհացոյցի» մենագրության տրամաբանական շարունակությունն է կազմում հեղինակի՝ 1972—1973 թթ. «Պատմաբանասիրական հանդեսում» հրատարակված հոդվածաշարը՝ «Աշխարհացոյցի» սկզբնական բնագրի վերականգնման փորձ» ընդհանուր վերնագրով: Այստեղ դրսևորվում է մեր հեղինակի կարողությունների ևս մի, այն է՝ բանասիրական կողմը:

Ս. Ս. Երեմյանը մի շարք հետազոտություններ է կատարել նաև Հայաստանի ֆաղափական պատմության բնագավառում: Վերը հիշատակված «Հայ ժողովրդի պատմություն» ութհատորյալի I հատորում (Երևան, 1971, պատասխանատու խմբագիր Ս. Ս. Երեմյան) նա տվել է մ. թ. ա. VII—VI դդ. հայկական առաջին պետական կազմավորումների պատմության անդրանիկ հանգամանակից շարադրանքը: Վերջին տարիներին պատմաբանը հրապարա-

կել է նույնաժառ Հայաստանի պատմության ամենամուր ժամանակաշրջաններից մեկի՝ մ. թ. II—III դդ. վերաբերյալ, առաջարկելով ժամանակագրական մի շարք նշգրտումներ, ինչպես և նոր տեսակետներ Հայաստանի վիճակի և հաղափականության վերաբերյալ նրան երկու կողմից ննչող հգոր ուղղմամբ հաղափական ուժերի՝ հոռմեական կայսրության և պարթևական, ապա սասանյան իրանի նկատմամբ:

Ս. Տ. Երեմյանը վրացերենի և վրաց պատմության հաշ գիտակ է և այս հանգամանքը իր դրոշմն է դրել նրա՝ միջնադարյան պատմությանը վերաբերող աշխատությունների վրա: Դրանց մի մասում դիտարկվում են Հայաստանի և Վրաստանի սերտ հաղափական առնչությունները, որոնք առանձին փուլերում վերածվել են պատմական հակառակի ընդհանրության: Նրա արժեքավոր աշխատությունները Բագրատունյաց Հայաստանի, Մանկանաբերդի Արծրունիների, Զաֆարյան շրջանի մասին, Աղվանի ու Հյուսիսային Կովկասի ժողովուրդների պատմության հարցերի պրպտումների հետ միասին Ս. Տ. Երեմյանին դարձնում են արդի խոշորագույն կովկասագետներից մեկը:

Պատմագիտության այն բնագավառների քվարկումը, ուր իր ներդրումներն էլ արել Ս. Տ. Երեմյանը, չի սպառում նրա գիտական շահագրգռությունների պարտներ: Դրանց մեջ են նաև հնագիտությունը, ազգագրությունը, գրականությունը, լեզվաբանությունը և այլն, որոնց նվաճումները նա հմուտ կերպով ծառայեցրել է իր պատմական և պատմաաշխարհագրական տեսակետների հաստատմանը: Գիտնականի այս բազմազան հետաքրքրությունները իրենց արտացոլումն են գտել նաև նրա կատարած մեծ գիտականակամակերպական աշխատանքի մեջ: Մի շարք տարիներ Ս. Տ. Երեմյանը եղել է ՀՍՍՀ ԳԱ պատմության ինստիտուտի դիրեկտոր, ղեկավարել է ինստիտուտի հին և միջնադարյան պատմության բաժինը, այսօր էլ վարում է հին պատմության բաժինը: Այս ասպարեզում նրա աշխի ընկնող ներդրումն է պատմության ներքո կամ գիտական այլ կենտրոններում (հատկապես Լենինգրադում) նրանց ուսուցումն ու կատարելագործումը ապահովելու միջոցով: Այսօր նրա սաները ֆայլում են հայ պատմագիտության առաջին շարքերում:

Ս. Տ. Երեմյանը ընտրվել է ՀՍՍՀ ԳԱ քղթակից անդամ 1953 թ., ակադեմիկոս՝ 1963 թ.: 1955—1968 թթ. ղեկավարել է ՀՍՍՀ ԳԱ հասարակական գիտությունների բաժանմունքը: Նա ՀՍՍՀ գիտության վաստակավոր գործիչ է. ունի բարձր կառավարական պարգևներ: Սովետական պատմագիտության գարգացմանը նպաստելու համար և իր ծննդյան 70-ամյակի կապակցությամբ Ս. Տ. Երեմյանը պարգևատրվեց Հոկտեմբերյան հեղափոխության շխանչանով:

ՀՍՍՀ ԳԱ քղթակից անդամ Գ. ՍԱՐԳՍՅԱՆ